

مين اللى باع

مين اللى باع

ومين اللى خان

مين اللى عاش

ف الكون جبان

مين اللى افسد

ف الوطن

مين اللى قتل

ف الجنود

مين اللى غير

ف الحدود

مين اللى كتر

ف المحن

مين اللى زيف

ف التاريخ

مين اللى غلى

ف الرغبة

ده الدم نازف
ع الطريق
وبنتقتل وبنتسحل
ياشعب عاشق
للركوع
ياحزن عشش
ف الضلوع
ياشعب مات
فيه البطل
ياشعب بطنه
بتشكى جوع
ياشعب عاشق
للخنوع
ياخوف بيعزف
ع الوتر
مين اللى باع
ومين اللى خان

مين اللي عاش
ف الكون جبان
مين اللي افسد
ف الوطن
مين اللي باع
فيما الضمير
مين اللي مات
بدون دليل
راح فين ياناس
حق الشهيد
راح فين ياناس
حلم الوليد
وبقيننا نرمى ع القدر
مين اللي باع